

葛無懷小集

山陰葛天民

春懷

向晚一鳩鳴  
道人春睡足  
無處寫幽懷  
巡簷數修行

絕句

夜雨漲波高二尺  
失却搗衣平正石  
天明水落石依然  
老夫一夜空相憶

看山



我本田夫作比丘也知騎馬勝騎牛如今  
馬上看山色不似騎牛得自由

寄楊誠齋

叅禪學詩無兩法死蛇解弄活潑潑氣正  
心空眼自高吹毛不動全生殺生機熟語  
却不俳近代獨有楊誠齋才名萬古付公  
論風月四時輸好懷知公別具頂門竅叅  
得徹兮吟得到趙州禪在口皮遺淵明詩  
寫胷中妙用則致君堯舜前舍時優灌廬  
陵園六十四卦只兩畫三百五篇惟一言  
戒與誠齋畧相識亦不知它好官職但知  
拚得忍飢七十年脊梁如鐵心如石不曾  
屈膝不皺眉不把文章做出詩玉川後身  
却不恠樂天再世尤能竒隔千里兮共明  
月何似寒灰相對撥公亦何須要我知我  
只欠公頭上髮

醉書酒肆

碧床酒盞香拍浮吳姬粉醉不識愁黃金

手揮 歌頭夜半春回楊柳樓

竺澗梅

龍脊橋邊鶴膝幽一枝斜亞水橫流自從  
識破胡笳曲吹徹黃花不解愁

謝文思徐敬伯見訪

半山徐敬伯薄宦在中都柳舍偷閑到村  
醪就近沽易添詩債負難得醉工夫却羨  
漁樵叟雖貧一事無

即事

春漲侵高岸春雲裏亂山倒遷楊柳活斜  
倚桔槔閑世味老方淡花時晴最慳東風  
吹嬾動故故撼柴關

重訪白石

長安唯白石與我最相關每到難逢面翻  
思懶下山欲歸愁路遠小住待君還盡日  
看幽桂無人似我閑

達磨渡蘆像

一言已出駟難追賴得君王放過伊揚子

江心杭折葦浪頭何似問頭危

收白扁豆因得二首

齒髮中年態立園素隱心因栽白扁豆當  
得紫團參筐筥收繁英總非失茂陰蕭蕭  
簷外竹抱蔓替予吟

古香無伴侶一榻共雲分  
澗水塘頭過樵歌  
枕上聞余生聊自適  
此意與誰論落葉如相委  
時敲月下門

仲春初二絕

落梅如雪雨如麻  
最怕春寒是杏花  
病後不能消滴飲  
可憐芳信到貧家  
初交二月草蒙茸  
隣里紛紛去折蓬  
柳下開門非嬾出  
苦無筋力勝兒童

湖上夜歸

陌上紅塵歇湖中翠靄生  
定鐘山寺迴新月夜船清  
蛙亂鳴方急鷗閒睡不驚  
兒曹知我到認得打門聲

聞鳩

無懷

蟄動猶寒在鳩鳴恰睡餘素傳鷹羽化多  
占鵲巢居報我晴何用憐渠拙自如年年  
偏感處風急杏花初

迎鷺

咫尺春三月尋常百姓家爲迎新鷺入不  
下舊簾遮翅濕沾微雨泥香帶落花巢成  
雛長大相伴過年華

玩蝶

粉翅來何許春風卒未休衆芳皆舊識微  
雨是新愁鬪舞圍牆角貪香綴蕊頭與花  
俱不語相可是風流

聞杜鵑

望帝知何苦催歸不自禁竄身依樹密啼  
血染花深細雨離人淚遊絲蕩子心青山  
明月夜老耳最知音

湖上觀柳偶記龍泉先生句春柳

一絲之句感而有述

斲槎無葉又無枝得似勾春柳一絲不是

畫船棲泊處白鷗飛下立多時

嘗青梅

踈影橫斜處匆匆入夏看綠陰遮得暗青  
子結來酸因病全踈酒如痴猶凭闌楊花  
無藉在風急正漫漫

開井

小圃新穿土中藏一丈空山腰全脉透井  
口樹陰蒙澆藥先資用煎茶已見功甘涼  
羞自薦汲許四隣同

龍井

龍護溪潭草木昏斷碑元祐典型存蜀仙  
已去吳僧少嶺上松篁亦斷魂

江山

連天芳草已漫漫贏得鷗邊野水寬花欲  
盡時風撲起柳綿無力護春寒

望越懷親

高帝城邊戒故廬白雲慘淡滯蒼梧歸心  
政與江流動更著青山隔岸呼

寄輔漢卿

憶殺平生輔漢卿  
武夷山裏話寒暄  
不知新歲還家未  
白髮衝冠有幾莖

訪端叔提幹

月趁潮頭上山隨  
拖尾行大江中夜  
滿雙櫓半空鳴雁  
冷來無幾鷓清睡  
不成平生師友地  
此夕最關情

山中題古墓

冢荒無樹亦無碑  
土面磚痕似灼龜  
壞道尚存翁仲守  
傳家知是子孫誰  
成東海終難料  
欲錮南山最可悲  
要寄此情浮世去  
臨流說與落花知

題謝耕道一犁春雨圖

耿耿思田舍  
悠悠倚釣竿  
一犁歌短闌  
十口飯長安  
老覺驅馳倦  
生知稼穡難  
畫圖詩卷在  
留與後人看

即事

暮年居柳下  
終日閉柴門  
壁爲題詩暗  
池

因洗研潭閤知真富貴醉到古乾坤回首  
長安道無言只斷魂

偶成

始參龍象種終現馬牛身再整衝冠髻難  
忘漉酒巾散花天上女撥草道中人寄語  
林和靖非翁不卜隣

竹

此君別後稍添丁留得清風鎮戶庭老髯  
不禁霜點綴舊隣多似樹凋零一竿帶雪  
寒垂釣數畝連苔畫掩扇此話有誰堪委  
似幾回無語向青青

蓬居詠枇杷

早誦相如賦知渠舊姓盧花香冰裏見風  
味藥中須細雨同梅熟清聲混樂呼山禽  
嗔老子拍竹護金珠

元夕

天街夜鼓徹雲霄一望星河影動搖佳節  
無如元夕盛老來不似少年豪紅塵巷陌



青絲鞵明月樓臺紫玉簫誰料南坡招野

叟詩肩相對兩峯高

老來一作老年

### 簡道安

相將除夜南風起雁已聲聲向北飛驟暖  
定知爲雪骨瘦年終不似冬肥日來病可  
方開酒節下春回稍減衣正好伴公湖上  
去孤山觀裏看梅歸

### 澗泉招飲次日乃生朝

平生南澗古遺民初度招呼我輩人每聽  
謔談須絕倒極知老氣正輪囷盃盤滿坐  
添燈火兒女成行勸主賓但願吾儕似梅  
柳年年相見一回新

### 平居遣興

隔離人語自喧嘲緊閉苔扉不許敲談麈  
帶塵懸屋角牽牛承露上林梢投閒得計  
心常足擬古成編手自抄風雨欲來偏感  
處蟻先移穴鵲移巢

### 桃花

無懷

洞裏桃花自古初  
人間塵事幾乘除  
重來漁父難相覓  
前度劉郎未忍踈  
畫檝逢迎春女渡  
綵符供奉歲朝書  
嫣然似共幽篁語  
占盡風光奈得渠

偶題

綠樹何稠疊  
清風稍羨餘  
桃綦雲片片  
簾透雨踈踈  
修笈通泉壑  
殘碑出野鋤  
丘陵知幾變  
耕稼雜陶漁

西湖泛舟入靈隱山

晴嵐漠漠水溶溶  
落葉遮船翠蓋重  
秋色盡爲漁者占  
山光多向道人濃  
雲連合抱前村樹  
磴繞飛來小朶峯  
送罷夕陽迎素月  
樓臺高下自鳴鐘

梅花

寄遠含芳別隴頭  
胡沙漠漠去無休  
誰招青塚十年魄  
散作黃昏萬斛愁  
畫角霜清腸屢斷  
花光墨淡影空留  
年年最憶前村夜  
一段孤明雪亦羞

幽居

遠懷日與靜相宜  
山色窺簾澗撼扉  
野草自花聊獻笑  
重雲不雨漫垂衣  
人間事業難爭長  
睡裏工夫獨造微  
却怕蒙莊猶寤語  
夢爲蝴蝶未忘機

秋日西湖閑泛

雨洗千峯曉  
波涵萬頃秋  
菱花開古鏡  
蓮葉度輕舟  
思遠人誰識  
身閑世不收  
望中時得句  
倚櫂雜吳謳

郊園避暑

有暑猶當避  
無憂可得忘  
竹疎身共瘦  
湖近意先涼  
靜勝寧須爽  
幽酣不待觴  
還同殘夢樂  
炙背負朝陽

小峯行樂却望北山

霜高羣木落  
湖上數峯秋  
野笛歸牛徑  
煙簑宿鷺洲  
望中多隱約  
佳處小遲留  
百歲無虛日  
能堪幾度遊

蝶

無懷

黛拂雙眉粉襯毫翅烘晴日伴相遭戲勾  
稚子從 遠恐惹遊絲莫鬪高栩栩條來  
仍易散深深交舞爲誰勞吳王花草滕王  
筆千載風流敵楚騷

杏花

陌上春泥苦未乾絳唇漸吐不禁寒海棠  
尚晚教誰伴山帽衝風每自看聲好最憐  
清曉賣味甘長記綠陰團年年過雨臘脂  
落時序關心有幾般

林間石

摩挲只作釣磯看相伴秦翁且住山霜洗  
舊稜人共瘦蘚侵孤韻鶴同閑因思樵牧  
分爭處已過唐虞揖遜間風月滿林時憩  
寂三生幽事夢中還

小隱自題

水拍荒籬外山攢落照邊鴉鴉乘犢去鴨  
鴨伴鷗眠思淡秋雲薄情高隴月圓武陵  
知避世初不爲求仙

夏日池上

微波漾漾雨濛濛  
岸脚煙莎間水蕒  
照影已無雙鬢綠  
關心猶有一絲風  
鴛鴦對浴紅衣撲  
菡萏相親翠蓋籠  
醉舞夢吟皆勝處  
箇中非異亦非同

孤山後寫望

凭高每嘆昔人非  
空有群峯礙落暉  
大雅風流誰舉似  
長安秋草又衰微  
寒花負約開猶嬾  
鷗鳥忘機趁不飛  
來徃半生堪記處  
西村燈火夜船歸

小舟

萬頃波中獨釣身  
短篷舊綵綸自憐

清夜歌明月誰共  
滄洲采白蘋

梅花

桃李粗疎合負荆  
歲寒標格許誰并  
花中有道須稱最  
天下無香可鬪清  
倚竹向人如少訴  
臨流窺影更多情  
何當喚取湘纍起  
伴我空山茹落英

孤山後舟中寫望

水接遙空分外寬，孤山月出靜中看。  
疑從弱水移圓嶠，似共姮娥住廣寒。  
秋雨秋風初過後，荷花荷葉半凋殘。  
西村數點歸鴉濕，老子新題墨未乾。

酬晝上人石湖春望

蕩蕩春風草木香，茫茫澤國水雲長。  
鶯來占柳爲歌院，蝶去尋花作醉鄉。  
閑與物情聊品帶，老于文字嬾巡行。  
望中別有關心處，幾度朝陽又夕陽。

湖村晚興

殘霞伴孤鷺，遠雜斜暉秋向詩。  
中出人從畫裏歸，柳塘雙槳急。  
茆舍一燈微，小艇穿籬出。  
蒲蓬正擁扉。

雪後

雪中多日靜湖上，少人遊禿樹。  
花爲斲槎鷗當舟，一杯殘臘酒。  
萬里夕陽愁富貴，非吾願。  
葛天雲正浮。

冷蕊通幽信孤山欠幾遭  
孟因寒夏滿句到淡方高  
雪滴晴簷雨松翻夜壑  
濤布衾雖似鐵猶念早趨朝

臘雪

片片嘉平瑞無聲有耿光  
來雖成頃刻釀亦廢商量  
天濶花無賴風休絮不狂  
孤山林處士魂在隴頭香

和子舒冷泉夜坐

亭空山盡八人靜夜初分  
喬木陰遮月清泉影浸雲  
不題波上葉只採澗中芹  
礪水令人憶何當入郡聞

宿裴菴

一徑松杉迥成陰見日稀  
山晴僧盡出風暖鷺交飛  
結子花拋樹闌人犬護扉  
閑看山月上清坐愛添衣

答趙紫芝

九月離東嘉長安了歲華  
未登揚子渡先訪葛洪家  
天作今朝雪燈開昨夜花  
一杯

能強飲不必問丹砂

簡趙紫芝

紫芝雖漫仕五字已專城清坐有仙骨苦  
吟無宦情囊因詩句重分與酒盃輕所好  
煎茶外燒香過一生

清明前四日泛湖

繞岸堆青嶂遊船滿綠波樓臺臨水近楊  
柳占春多老去誰同調尊前且放歌韶華  
能幾日隨擢已新荷

送薛子舒船官

憶君江上去船重載書多學乃從吾好閒  
應喜客過薰風新綠樹明月舊蒼波自古  
關情處相思入詠歌

訪紫芝回與子舒集

君參唐句法親得浪仙衣薄宦因吟苦高  
風與世違春寒留夜飲月黑借燈歸共飲  
知何日空山老薜薇

即事用天竺韻

無懷

共



寒食少逢天氣佳，十朝九日雨如麻。  
新巢唯有鷺生子，小巷已無人賣花。

夏日

曉荷承墜露，晚岫障斜陽。  
樹下地常蔭，水邊風最涼。  
蟬移鷺鵲近，鷺起得魚忙。  
獨坐觀羣動，悶消夏日長。

雜詩

下竺山前打一遭，丁寧門子看溪橋。  
恐驚繞壩梅花落，莫遣行人笑語高。

雨中

梅雨朝仍暮，蓮塘夏似秋。  
水高浸樹脚，屋漏滴人頭。  
歇晝厨煙出，占晴礎汗收。  
羣山思會面，扶病一登樓。

元夕

元宵有月便無愁，已是新年第一籌。  
說與素娥從此去，只須依樣做中秋。

送薛子舒

南渡今何似，中流欲濟船。  
雖憑人擊楫，要

若水行川竹木如山積桑田與海連吳宮  
猶可問白鳥暮衝煙

海邑青龍鎮船官野鶴身誰知貴公子却  
是苦吟人二陸多遺跡三高屬近隣新篇  
因弔古時寄葛天民

次紫芝韻

欽羨私居好樓溪夏必涼小窓通遠岫古  
木蔽斜陽露檻安花斛塵編滿竹床如君  
清到骨只合靜焚香

小亭

小亭終日對幽叢兀坐無言似定中蒼蘚  
靜連湘竹紫綠陰深映蜀葵紅猫來戲捉  
穿花蝶雀下偷銜卷葉蟲斜照尚多高柳  
少明年更欲種梧桐

上巳呈嚴叟

時俗常談已斷霜雨寒翻著絮衣裳花枝  
照眼堂堂去苔椀關心故故香楊柳稍傳  
鶯割據茆茨敢望鷺商量舊遊莫誦蘭亭

語自覺中年易感傷

荷葉浦中

急荷梢荷分外奇  
珠璣狼籍錦分披  
下塘六月關心處  
西塞扁舟入手時  
却傍青蘿深處宿  
還思白石去年詩  
平生浩蕩煙波趣  
月淡風微只自知

贈眇目道人說相

道人只具一隻眼  
覲面全提格外機  
塵裏神仙誰做得  
歸來試一問麻衣

戊辰夏五過抱朴居

北窓隱隱透南薰  
老子全身是此君  
冷入魚腮池面雨  
靜連禽語樹頭雲  
苔因覓句行來破  
石爲觀空坐得溫  
時事自多無耳聽  
長安雖近不曾聞

元夕西泠橋觀月

年頭半月雪漫漫  
養就姮娥玉一團  
老子今宵竒絕處  
西泠橋下獨凭欄

雨中郊外

無懷

九

暖氣先回宿草根青青行可藉芳尊未須  
著意催花柳且爲乾坤補燒痕

正月二日

小巷春陰獨掩扉峭寒著盡過冬衣老來  
情緒無多子禁得梅花似雪飛

正月二十七日雨中過蘓堤

一堤楊柳占春風柳外羣山細雨中人苦  
未晴渾不到只宜老眼看空濛

清明日訪白石不值

花懸燈柳插簷老懷那得似餽甜畫船  
已載先生去燕子無人自入簾

送劉僧善行

西望羣山碧入吳故人一笠片雲俱東風  
不斷村村柳展盡陽關送客圖

湖堤晚步

照影憐寒水關情奈夕陽雪慳天欠冷年  
近日添長好句誰相寄浮生各自忙有身  
聊頓放無事可商量

懷天竺礪梅

根在岩邊結枝從水際橫此花殊近道凡  
木欠修行密雪籠幽片踈篁倚瘦莖那時  
香不淺憶我話無生

柳下即事

老柳中間野岸濱水清常照樹邊身白鷗  
黃鳥相忘久來往如今不避人

睡少

睡少秋難曉吟夢食愈貧南柯無近闕差  
盡夢中人

湖上新秋

十里荷風蓋盡傾城中憶殺水邊清催詩  
未用西湖雨且送新涼入帝城

六月一日同姜白石泛湖

六月西湖帶雨山小舟終日傍鷗閑風煙  
如許關情甚賓主相推下語難幾點送君  
歸大雅一涼今夜滿長安江湖遠思知多  
少歸去風前各倚欄

正月十二日夜姚江

斷岸春風峭空江夜雨清  
蕭疎篷上點彷彿葉間聲  
今古雙眸冷乾坤一權輕  
鬢邊湖海白誰識謝郎情

雨中獨酌

平生寡合雖竭斗幾曾自飲一杯酒  
不因風月與湖山更爲松篁與花柳  
今夕何夕風雨來知儂渴肺生秋埃  
麴生三緘忽自薦請爲風雨聊一開  
老夫呼前呼未了死生脫帽傾懷抱  
風雨橫斜入坐中賓主淋漓俱醉倒  
須臾風止雨亦休主人送客凝雙眸  
蒼天無懷不可狀但覺兩耳風颼颼  
匆匆便是中秋節更與麴生潛地說  
此夜寧容着雜賓二尊只辨洗明月

水仙

玉潤金寒窈窕身翩翩翠袖挽青春  
水晶宮裏成仙女香山中得道人朔雪幾回埋不死  
南洲一出淨無塵朴翁老矣誰同

無懷

五



國家圖書館, NATIONAL CENTRAL LIBRARY, TAIWAN, R.O.C.

調相對無言意轉親